

NAŠE HUMANITARNE AKCIJE

Ministarstvo za obrazovanje, nauku i mlade Kantona Sarajevo, od školske 2018/2019. godine, u svim gimnazijama Kantona Sarajevo pokrenulo je projekt društveno korisnog učenja čiji je cilj obrazovanje društveno odgovornih i aktivnih građana koji će svojim znanjem i iskustvom utjecati na poimanje koliko svaki pojedinac može doprinijeti svojoj zajednici.

Javna ustanova Peta gimnazija već drugu godinu učestvuje u ovom projektu.

Drugi ovogodišnji projekt nosio je naziv "Otvori srce i usreći drugoga!", a realiziran je pred kraj kalendarske godine, prije nastupajućih praznika. Učenici i svi zaposlenici sarajevske Pete gimnazije prikupili su dvije vrste poklona. Jedni pokloni su sadržavali prehrambene namirnice, higijenske potrepštine i novac, a uručeni su socijalno najugroženijim porodicama kako bi mogle dostojno obilježiti praznike. Nakon završene akcije prikupljanja pomoći za socijalno ugrožene porodice, profesorice Ina Krsmanović i Ajla Ramić, sa grupom učenika, učestvovala su u emisiji TV Hayat "Ispuni mi želju" kako bi prikupljena pomoć otišla u prave ruke. A drugi su bili pokloni sa edukativnim sadržajem za teško oboljelu djecu koja se liječe na Odjelu za dječiju onkologiju Kliničkog centra Univerziteta u Sarajevu.



